

रेडीयो खेम्मानुङ् पेन्डाङ्खुबा चोप्न पा मा माङ् बुनानुसाची, चोप्बाङ् या?ल के आन्ना स्यामुकानी। हानाम्स का ग, ग ल: बी आन्ना चुप्सी, आन्नानुङ् यामुसी टाढाङ्डीड, आक्रहाङ्न आयु स का आन्नानुङ् चुप्सी आन्नानुङ् यामुचासी, नुए नुए खानावाँ खेम्मीस्सी टाखेडीङ्। आयु के नीवाहाङ्मी पासा येशु आसा ? हाङ् माङ् लेसी ग बाखाटेम्पी टामीम्पा लेटे हाङ् मान्ठा खो सीखारे? हाङ् सुम्ची डीनी डेङ्पी हीङ्चाए, लोमे खानावाँ ईखानी।

ईरक्ल:ए ग बाखाटेम्पीहा कानी चोप्न या?मीचीमी नीवाँबी चुए एकक खानावाँ चैं ग ह की, नीवाहाङ्मी पासा येशु, खो चैबान नीवाहाङ्मी पासान लेटा हाङ्ग मान्ठा सीखारे? आसीखे?मा लेटे टा ! खो चैबान नीवाहाङ्मी पासा न लेटा हाङ्ग खो नीवाहाङ्ए, खोम आपाए मान्ठा खो सीखे?माबाड, माएगुये टा ? चैबान ! मान्ठा सीखारे हला? खो सीखे?डा लोमे खानावाँ खोसे लेमीम्पा र स, खो मान्ठा सीखारे हला ?

कानी ग बाखाटेम्पीहा या?मीचीए टाङ्पे मीम्मीम्पा खानावाँ पुरा लीमी?मामी लागी, टाङ्पामी हीङ्खामा काम्नुए मुमामी लागी माङ्हाङ्स लेहीकी। मसे एकक या?मी सीखे?माबी होईढा डीरीक या?मीचीमी हीङ्खामा हीङ्चा? हाङ्ग एकक या?मी सीखे?मा काम्नुए न टा ह नी हे?ने?

कानी या?मीची हीङ्चामामी लागी चामाहा ठका चाकी, हाङ् चामाहा ठका माङ्स माचाई भने कानी हीङ्चाहीसीनी। टर ग कानीमी सालुङ् हीङ्चामामी लागी टे?न कानी चामाहा ठका, डुङ्माहा ठका पाबु: ? कानीमी लवा हीङ्चामी?मामी लागी कानीए चामामी लागी डुङ्मामी लागी हाङ् ले?मामी लागी माङ्स माचुआ, हाङ् एकक खानावाँ ! कानीए ग बाखाटेम्पीहा चानुए चानुए, काम्नुए काम्नुए चामाहा ठका चामेसे हाङ् डुङ्मेसे कानीमी लवा कानीमी हीङ्खामा आहीङ्चाखुबा लेटा। कानीए ले?मीम्पा काम्नुए काम्नुए योम्पकए टे?न कानीमी हीङ्वा क्षमा आलीहीखुबा लेटा। मसे नीवाहाङ्ए खोसे कानीमी ईघा चोप्न हीङ्वा सकपीस्सी, कानीमी लवा हीङ्चामीस्सी खोमी पासा येशु ग बाखाटेम्पी पाहाङ्सु। या?मीचीए येशु से?मीम्पा हे?ने टर खो ग नीवाहाङ्ए न सीखेस्सी पाहाङ्पा लेटु मसे खो या?मीचीमी हुक्बाङ् सीखारा। खो सीखारा हाङ् माङ् खो सीखेम्पा सीखेम्पा न लीसे टा ? हे?ने खो सीखारा हाङ् सुम्ची डीनी डेङ्पी फेरी हीङ्पका हाङ् खोमी ग बाखाटेम्पीए योम्पक लुक्पीटु हाङ् पारुबी खाईहाङ्सा।

ए?वा या?मीचीए खो डु:गुची ए?वा या?मीचीए खो काईसे लोसुची ए?वा या?मीचीए खो सीचोउची । टर खोसे लेयुक्सु की खो बाखाटेम्पी खोसे गरहा डुखा आङ्मा न ले? कामानुङ्। मसे खो हानाम्स या?मीचीनुङ् सोम् माखेरु। बाखाटेम्पी खो चोप्न या?मीचीमी हीङ्खामा हीङ्चामीस्सी हाङ् खोचीमी हीङ्वा क्षमा लेसी टामीम्पा लेटा टर या?मीचीए आक्क खानावाँ मेवाब्हीसुची, खो आसा लेटे लोमे खानावाँ मालेहीसुची मसे खोसे बाखाटेम् याईडाउ हाङ् पारुबी खाईहाङ्सा। खोसे बाखाटेम्पी चुमार: डीरीक् टुक्खाची नुबक्मीटुची, हानाम्स मीक् खाङ्हीमीनीहा या?मीची मीक् खाङ्:हीखुबा मुसुची, लाम्दुम्हीमीनीहा या?मीची लाम्दुमहीखुबा मुसुची, यामुहीमीनीहा या?मीची यामुहीखुबा मुसुची, गरक् टे?न हे?ने खोसे सीखेम्पा या?मीची सङ्क हीङ्पकमीटुची। टर खोसे आक्खा खोमी चोप्न योम्पक आसास आलोसाने कामानुङ् लोयुक्सु। येशुए ई?या खोम् टीङ्खुबाचीनुङ् लोमीम्पा लेटु," "खाङ्जने कानी यारुसालेम खे?मे पाङ्की। नीङ्वाहाङ्मी खानावाँ लोखुबाचीऐ काडा या?मीमी पासामी बारेबी सा?मीम्पा खानावाँ आक्कुबी ली:। खो रोमी या?मीचीम् हुक्पी सी:? हाङ् आक्खाचीऐ खो सीम्चोकुची, डेसीमा लुलु मुकुची हाङ् डुगुकुची। आक्खाचीऐ खो कर्राए रगुकुची हाङ् सेरुकुची। टर खो सी:खे?मीम्पाबाङ् सीन्डाक्लाम्पे फेरी स हीङ्पक्।" खोसे लेकु का सीखे?डा कामानुङ्

हाड सडक खो सीखे?माबाड माकीसीआ, मान्ठाभने खो ग बाखाटेम्पीहा चोपन हीड्वा या?मीचीमी हीड्वामी लागी सीखेस्सी न ग बाखाटेम्पी टामीम्पा लेटा। कानीमी टुबा लाबा आडाम नुड हब्बाए न या?ल नीवाहाड्ए लोमीम्पा खानावाँ काम्नुर खासीम्पा लेटुची ग येशुए सीखे?मा आपाप्युबा लेटा हला तर माड हाड्स, माड लेकी हाड सडक कानी चोपन या?मीची नीवाहाड्मी पासाची ह मसे खोसे कानी हीड्पमीस्सी खोसे होईक खोमी पासा येशु ग बाखाटेम्पी कानीमी लागी सीखेस्सी पाहाड्सु। कानीमी हीड्वा सकसी, कानीमी हीड्खामा हीड्पमीस्सी खोसे येशु ग बाखाटेम्पी पाहाड्सु। तर ग बाखाटेम्पीहा ए?वा या?मीचीए खो लेसुची हाड ए?वा या?मीचीए चँ खो नीवाहाड्मी पासा कानी हीड्पमीस्सी ग बाखाटेम्पी टामीम्पा ह कामानुड माले:हीसुची। चोपन नीवाहाड्मी खानावाँ खोसे लोसीन्ट?न लीसा। नीवाहाड्ए पाहाड्मीम्पा येशु या?मीचीए नीवाहाड्मी पासा ह कामानुड मालेमीम्पासे खो सेरुची तर खो सीखेम्पाबाड सुम्ची डीनी डेड्पी हीड्पखारा हाड या?मीचीमी डारीड्बाड न खो पारुबी खाईहाड्सा। ग बाखाटेम्पीहा ए?वा या?मीचीए चँ खो लेसुची, आक्खाचीमी हीड्खामा हीड्चाडा, मबा आसे खो लेमा माटक्कुची आक्खाचीमी लागी नीवाहाड्ए फेरी स येशु ग बाखाटेम्पी पाहाड्कु। हानाम् पाहाड्कु लोमे खानावाँ ग बाखाटेम्पीहा कानी या?मीची आसेस लेसीनी। तर नीवाहाड्मी पासा फेरी स ग बाखाटेम्पी टा? न । खो फेरी स टामे ल: मी बारेबी नीवाहाड्मी साप्वीराबी गरहाड साब्डा," "नाम, हीड्वापाला हाड साड्केम्माबी आक्खे?माहा चीन्ना खाड्मुक् हाड पेरैरेमामी द्या द्या साम्ला हाड की?मा लुलु अड्टाहा योवाए बाखाटेम्पीहा चोपन हाड्टेम् डुखाबी सीक्मी हाड कीसीलाम्पाबी सीक्मी। बाखाटेम्पी टा:मा परम्पा खानावाँए या?मीचीम् नीवाँ न मा:खे मान्ठाभने नाम्फली?वाबीहा चोपन चेक्मावाचीड सड्पक्मी। आक्क डेड्पी काडा या?मीमी पासा द्या चेक्मावा हाड नीड्लावानुड खीन्डुमाबी टामे पाड्ए आक्खाचीए खाड्टकुची। गरक्मा लीमा अक्सी आन्ना चेन्चामानुड मेड्कीसीरे येप्पकाने मान्ठाभने आन्ना से?ल न हीड्पकानी।"

आयु कानी मान्ठ लेकी हाड्सडक, माड पारा हीड्चामे पाईकीहा हाड्सडक, कानी टाड्पामी लागी ग काम्नुर न ह। तर कानीमी नीवाँए रक्मान हीड्चामा काम्नुर रु काईसे लोमे खानावाँ नीवाहाड्ए काम्नुर लेकु। आयु कानी नीवाहाड्मी डारीड्बाड खोमी नीवायुड् बाड् मीउ चुकी हाड्ग, आयु बाड्ण कानीमी हीड्वा सकपीखुबा नीवाहाड्बी नीवायुड् लेटीये। नीवाहाड्मी नीवायुड्बी आयुबाड्ण पेनी भने खो फेरी ग बाखाटेम्पी टामार कानी कीसीमाबी सीट्टीनी तर हाड्हाड्ए लीकी। मान्ठाभने कानीए हुड्मीम्पा हाड् भेट्ट?मा मीम्मीम्पा नीवाहाड् न कानी चुप्सी ग बाखाटेम्पी टामीम्पा ली:।

कानी ग बाखाटेम्पीहा चोपन या?मीचीमी नीवाँ एककन ग माआ, मसे आयु आना नुड काडामी नीवाँबीए खानावाँ होईक होईकन चु:। मसे के ग आयु बाड्ण नीवाहाड्मी लाम्फु टीड्मा कामनुए मीन्डुड् । आन्नामी नीवाँबी नीवाहाड्मी बारेबी माड् खानावाँ चुए, माड् मीन्डुने ? माड् आनामी नीवाँबी नीवाहाड्बी नीवायुड् ले?मा काईसे हे ? एकखेपा काम्नुर मी?लाप्ले? मबा खोबी नीवायुड् ले?मा काम्नुर मी?लापुना भने आयु बाड्ण आनामी हीड्खामा हीड्चाडा।

गर कासे आयु स कामी खे?मे बेला साप्वारा । का फेरी स ग ल: बी?न टा?डा। ईरक्ल: दारी काम खानावाँ खेम्पी?मीम्पामी लागी ओहाक्।